

Kanapee-Lied

Text: Werner Meier
Musik: Werner Meier

D **A** **D**
Am Sonntag-Nachmittag
 A **D**
Woaßt, was i da gern mag?
 G **D**
Da leg'n si der Papa und i
 A **D**
Auf unser Kanapee hi
 A **D**
Die Mama legt si aa dazua
 A **D**
Und lasst dem Papa koa Ruah
 G **D**
Sie kitzelt eahm unt'n am Fuaß
 A **D**
Damit er recht lacha muaß

A **G** **D** **A** **D** **A** **D**
Mei, is des schee - mhm, mhm, mhm - auf unserm Kanapee
 A **G** **D** **A** **D** **A** **D**
Mei, is des schee - mhm, mhm, mhm - auf unserm Kanapee

Dann erzählt uns da Papa a G'schicht
Die hat er fei selber zamdicht
„Bei de Eskimos“ sagt er, „im Schnee
Da gibt's bloß an Eiskaffee.“
Dann schmuck ma uns alle zamma
Der Papa, i und de Mama
Und dann fliag'n ma mia einfach so
Auf'm Kanapee davo

Mei, is des schee...

Und mia land'n, ja ganz genau, do
Vor'm Haus vom Eskimo
Dann schaut uns der Eskimo aber scho
Ja, a bisserl komisch o
Er hat a Haus weiß aus Schnee
Und aus Schnee is des Kanapee
Und dann kommt a schneeweiße Fee
Und bringt uns an Eiskaffee

Mei, is des schee...

*Und dann sagt der Eski-Mo zur Eski-Frau:
„So a Kanapee, des is a Schau! “*